

Prekretnica za BiH na putu ka Evropi

Visoki predstavnik i specijalni predstavnik EU, Miroslav Lajčák, pozdravio je današnje dugoočekivano usvajanje zakona iz oblasti reforme policije.

Usvajanjem ovih zakona, Dom naroda BiH je danas završio zakonodavni proces koji su organi ove zemlje počeli u decembru prošle godine, otvorivši tako put za potpisivanje Sporazuma o stabilizaciji i pridruživanju sa Evropskom unijom.

“Nakon kretanja ovim putem, ni jedna zemlja nije doživjela neuspjeh u pogledu ostvarenja članstva u EU. Ovom odlukom se šalje snažan signal EU i investitorima da BiH čini pomake i da je otvorena za poslovanje”, rekao je visoki predstavnik i specijalni predstavnik EU, Miroslav Lajčák.

Visoki predstavnik i specijalni predstavnik EU čestita članovima Parlamenta BiH na tome što su imali hrabrosti i odgovornosti za poduzimanje ovog odlučujućeg koraka danas.